

# Nurafshon shahridagi bonyodkorlik loyihalari ko'rib chiqildi



Prezident Shavkat Mirziyoyev Nurafshon shahrida amalga oshirilayotgan bonyodkorlik loyihalari bilan tanishdi.

Ma'lumki, 2017-yil Toshkent viloyati markazi Nurafshon shahriga ko'chirilgan, davlatimiz rahbari 2019-yili bu yerga kelganida zamonaviy majmualar barpo etish bo'yicha ko'rsatmalar bergen edi.

Bu galgi tashrif chog'ida bajarilgan ishlar ko'zdan kechirildi. Davlatimiz rahbariga Nurafshon shahrining Bosh rejasiga muvofiq amalga oshirilayotgan ishlar to'g'risida ma'lumot berildi.

Bugungi kunda Toshkent yo'lli kengaytirilib, uning ikki tomonida 42 ob'ekt foydalanishga topshirilgan. Ayni paytda bonyodkorlik ishlari izchil davom etmoqda. Ilgarigi bir qavatli eski imoratlar o'rnidagi 7 va 9 qavatli uylar, ma'muriy binolar, biznes markazlar, mehmonxona, tibbiyot va ta'lim muassasalari, gipermarketlar qurilmoqda.

Toshkent viloyatida madaniyat, ta'lim, sog'liqni saqlash sohalarini rivojlantirish chora-tadbirlari yuzasidan taqdimot o'tkazildi.

Prezident maktab va bog'chalarni qurish bilan birga ta'lim mazmunini boyitish, endi qamrovdan sifatga o'tish kerakligini ta'kidladi. Aholi kelishiga qulay joyda zamonaviy shifoxona tashkil etib hamda uni klinik baza qilib, malakali mutaxassislar tayyorlash bo'yicha topshiriq berdi.







**Manba**